

TUDM LAKSANAKAN PENERBANGAN IHSAN

airforce.mil.my/berita/acara-rasmi/3316-tudm-laksanakan-penerbangan-ihsan

SUBANG, 11 Apr 18 - Nurul Najwa Amira binti Abdullah, 20 tahun yang menghidap *Long QT Syndromes* dipindahkan ke Hospital Serdang dari Hospital Sultanah Nur Zahirah Kuala Terengganu dengan pesawat milik TUDM. Penerbangan ihsan ini dilaksanakan oleh Kapt Sharavanakukhan a/l Sanmugam TUDM, Kapt Abdul Halim bin Ishak TUDM serta dibantu oleh Sjn U Hazmil bin Ghazali dan Sjn U Zakaria bin Ham dari No 1 Skn menggunakan pesawat CN235.

Penerbangan ihsan ini membawa pesakit berikutan rawatan lanjut dan pembedahan yang perlu disegerakan oleh doktor pakar. Pesawat yang berlepas jam 9.20 malam tadi telah berjaya mendarat di Pangkalan Udara Subang pada jam 10.20 malam dan terus dibawa ambulans ke Hospital Serdang.

Seluruh warga TUDM mendoakan agar segala urusan rawatan Nurul berjalan lancar dan cepat sembuh.

